

Vêpres en Patois

1/ Tiaind veus-te te mairiaie Djôsèt mon fé, dis m'lo, mon fé mon grôs.

Inco s'therbâ mai mère i vos l'ai dit; ât-ce vos craîtes qui veus aittendre lai s'nainne des quaitre djûedés; ôh dés mai foi nâni!

2/ Qué souêetche de fanne veus-te pâre Djôsèt mon fé, dis m'lo mon fé mon grôs.

Enne boirdgiere de tchievres mai mère i vos l'ai dis, ât-ce vos craîtes qu'i veus pâre ènne de cés p'têtes poupée qu'an dirait qu'i maîrtche tchu des ûes ; ôh dés mai foi nâni!

3/ Qué souêetche de tchaipé yi veus-te aitch'taie Djôsèt mon fé, dis- m'lo mon fé mon grôs.

Enne câlatte mai mère i vos l'ai dit ; at-ce vos craîtes qu'i veus aitch'taie ûn de ces grôs tchaipé aivô des pieumes pe des boquats pai t'chu; ôh dés mai foi nâni!

4/ Qué souêetche de robe yi veus-te aitch'taie, Djôset mon fé , dis m'lo mon fé mon grôs.

Enne robe de trâsse mai mère i vos l'ai dis; tiudites-vos qu'i veus aitch'taie ènne robe en souê aivô des volants, des pendants é pe ïn décoltè djeuqu'en mé l'dôs; ôh dés mai foi nâni!

5/ Qué souêetche de bague vlèz vos aitch'taie Djôsèt mon fé, dis m'lo mon fé mon grôs

Des renchattes de ridés mai mère i vos l'ai dis, tiudites-vos que nos vlans aitch'taie des bagues en oûe, tchie cés ordyou de Correindlîn; ôh dés mai foi nâni!

6/ Qué souêetche de sulaies i veus-te aitch'taie Djôsèt mon fé, dis m'lo mon fé mon grôs.

Des sabats de bôs mai mère i vos l'ai di; ât-ce vos craîtes qu'i veus aitch'taie de cés p'têts sulaies en tchevratte que n'durant ran di tot; ôh dés mai foi nâni !

7/ Dains qué yét vlèz vos coutchie Djôsèt mon fé, dis m'lo mon fé mon grôs.

Chu ènne paiyaisse d'étrain mai mère i vos l'ai dis, tiudites-vos qu'nos vlans aitch'taie d'cés doubyes yéts c'ment c'te rotte de fôs que n'sairint s'entendre, ôh dés mai foi nâni !

8/ Vlèz-vos aidé nos aimaie Djôsèt mon fé, dis-m'lo mon fé mon grôs .

Djeuqu'en pairaidis mai mère i vos l'ai dis, tiudites-vos qu'nos se vlans mairiaie po s'démairiaie é se r'mairiai aiprès c'ment cés pignoufs de D'lémont; ôh dés mai foi nâni!

9/ Vlèz- vos aivoi tot- piein d'afaints Djôset mon fé, dis- m'lo mon fé mon grôs.

Enne boène dozainne, se l'Bon-Dûe nos les bèye mai mère i vos l'ai dis: ât-ce vos craîtes qu'nos vlans ran qu'en aivo ûn po en faire ïn d'mé- fôs; ôh dés mai foi nâni !